

Ephésiens 5:22-24 **Wandey, aran m'aran boj ye ganda aran kurnyey se, danga mate kaŋ cine aran ga te Rabbi se.** 23 Zama kurnye ga wande may mate kaŋ cine Almasihu ga nga marga may. Nga bumbo mo no ga ti gaahamo faabakwa. Gaahamo din no ga ti Almasihu marga. 24 Yaadin no wande ma nga boj ye ganda nga kurnye se hay kulu ra, sanda mate kaŋ cine Almasihu marga ga te Almasihu se.

Ephésiens 5:31,33 "Woodin se no alboro ga nga baaba nda nga nya naŋ, ka naagu nga wando gaa, i boro hinka mo ga ciya gaaham folloŋ." 33 Woodin banda aran mo, aran boro fo kulu ma ba nga wando danga mate kaŋ cine a ga ba nga boj. Wando mo ma nga kurnyo gaakuro guna.

1 Corinthiens 7:3 **Kurnye ma nga wando no haŋ kaŋ hagu a se, wande mo yaadin nga kurnyo se.**

1 Corinthiens 7:34 **Wayboro kaŋ sinda kurnye nda wandiyo mo ga laakal nda Rabbi muraadey, hal ngey ma goro ihanno gaaham nda biya ra.** Amma wayboro kaŋ hiji ga laakal da ndunnya muraadey, mate kaŋ a ga te ka kaan nga kurnyo se.

Colossiens 3:18 **Wandey, aran m'aran boj ye ganda aran kurnyey se, mate kaŋ a ga hima nd'a Rabbi ra.**

1 Timothée 2:11-15 **Wa naŋ wayboro ma dondon dangayyaŋ ra da boj-ye-gandayaŋ ra.** 12 Amma ay si yadda wayboro se a ma dondonandi wala a ma alborey dabari, amma a ma bara dangayyaŋ ra. 13 Zama Adamu no i jin ka te, gaa Hawa. 14 Koyne, manti Adamu no Iblisi halli bo, wayboro no a halli, hal a na Irikoy lordo daaru. 15 Amma a ga du dogonay ize hayyaŋ ra d'a soobay ka gana cimbeeri, da baakasinay, da bine hanante, da laakal ra.

Genèsis 3:16 **A ne waybora mo se:** "Ay ga ni taabandi nda ni te gunde, hayzaŋay ra no ni ga hay. Ni miila kulu mo ga ye ni kurnyo kambe ra, a ga ni may mo."

1 Pierre 3:1,2 **Yaadin mo no, aran kaŋ ga ti wandey: w'aran boj ye ganda aran kurnyey se, gaa no baa da afooyaŋ go no kaŋ siino ga sanno gana, aran m'i candi, manti nda sanno, amma aran daa sabbay se,** 2 waati kaŋ i g'aran ndunnya goray hanna d'aran lalabo guna.

Tite 2:1-5 **Amma ni wo, kala ni ma haŋ kaŋ ga saba nda dondonandiyay cimi-cimo ci.** 2 Ma ne dottijey se i ma ciya boj hinkoyaŋ, boroyaŋ kaŋ gaa lalabu go, laakalkooniyaŋ, boroyaŋ kaŋ gonda gaabi cimbeero da baakasina da suuro ra. 3 Yaadin mo no ni ma ne wayboro zeeney se i ma goro danga mate kaŋ hanantey hima ka te. I ma si ciya kormotanteyaŋ, i ma si ciya mo baji tamyaŋ. I ma hari hanno yaŋ dondonandi, 4 hal i ma saatarey cabe ka ne i ma ba ngey kurnyey da ngey izey. 5 I ma ciya laakalkooniyaŋ, fundi-hanno-koyyaŋ, fu-koy hannoyaŋ, dogonandikoyaŋ, kaŋ ga ngey kurnyey gana, zama boro kulu ma si Irikoy Sanno ciinay da laala.

Proverbes 12:4 Wayboro bine-hanante-koy ya darza fuula no nga kurnye se, Amma haawi teeko wo ga hima biri ra fumbi.

Proverbes 14:1 Wayboro laakalkooni ga nga fuwo cina, Amma wayboro saamo ga nga wano zeeri nda nga kambeey.

Proverbes 19:13 Ize kaŋ ga saamu wo masiiba no a baabo se, Wande sanni-boobo-koy mo ga hima danga mimisi duumi.

Proverbes 21:9,19 Boro ma goro lokoto ra jidan bisa boŋ ga bisa boro ma goro windi tafo ra wayboro sanni-boobo-koy banda. 19 Boro ma goro saaji fimbi ra ga bisa boro ma goro nda wayboro kakawko, Kaŋ ga guutu mo.

Proverbes 25:24 Boro ma goro lokoto ra fu boŋ ga bisa boro ma goro fu beeri ra wayboro kosongukoy banda.

Proverbes 27:15,16 Beene hari tolli-tolli yaŋ zaari fo summaare, Nga nda wayboro kosongukoy, i kulu afo no. 16 Boro kaŋ ga ba nga m'a gaay, Haw no a goono ga ne nga ga gaay, A kambe ɻwaaro mo ga ji di.

Proverbes 31:10-31 May no ga du wayboro kaŋ bine ga hanan? Zama a daymi hay ga bisa tondi hir'ize caadante yaŋ. 11 A kurnyo bina ga de a gaa, a si jaŋ riiba mo. 12 Wando fundo jirbey kulu, A ga gomni te a se, manti laala bo. 13 A ga feeji hamni nda haabu mo ceeci. A gonda himma nga kambe goyey ra. 14 A ga hima danga hiyaŋ kaŋ ga dira ka koy fatawci, Nangu mooro no a ga nga ɻwaaro ceeci ka kande. 15 Za cino ga cindi no a ga tun, A ma nga almayaaley no ɻwaari, A ma goy fay-fay nga ize wayey se. 16 A ga laakal nda fari hal a ma boori, Gaa a m'a day. Nga kambeey riiba no a ga reyzin kali tilam d'a. 17 A ga guddu nda gaabi ka nga jasey gaabandi. 18 A ga faham da nga dillaŋtaray jinayey, Kaŋ riiba ɻwaari hariyaŋ no. A fitilla mo si bu cin. 19 A ga nga kambe daŋ bindaari gaa, A kambe izey mo goono ga hanjal gaay. 20 A ga nga kambe salle alfukaarey se, Oho, a ga nga kambeey salle jaŋaykoyey se. 21 A si karhā da hargu alwaati nga almayaaley se, Zama a windo kulu goono ga hargu kwaay taalamanteyaŋ daŋ. 22 A ga tangara baanoyaŋ te nga boŋ se, A bankaaray lin kaymi hanno nda suniya no. 23 A kurnyo mo, i g'a bay faada meyo gaa, Waati kaŋ a ga goro kwaara arkusey game ra. 24 Waybora ga lin bankaarayyaŋ te ka neera. A ga guddamayan no nga dillaŋey kambeey ra. 25 A daabiro ya gaabi nda beeray no, A laakal si tun alwaatey kaŋ ga kaa se. 26 A ga nga meyo feeri nda laakal, Gomni dondonandiyəŋ go no a deena boŋ. 27 A ga laakal nda nga windo muraadey hal a ma boori. A si hawfunay ɻwaari ɻwa. 28 A izey ga tun ka ne a se albarkante, Hala nd'a kurnyo mo, a g'a sifa ka ne: 29 "Wayboro ize boobon a hari hanno yaŋ te, Amma ni alhaalo bisa i kulu waney." 30 Gaakuri gonda hiila, sogoyaŋ mo hari yaamo no, Amma wayboro kaŋ ga humburu Rabbi, i g'a sifa. 31 W'a no a kambe nafa haro ra. A goyey mo m'a saabu faada meyey ra.